



# Réguli noi da la primma dì d'abbrìli

Pa' l'ubbrìcu di sulitài, da lu mesi d'abbrìli toccarà chi stòchia chjusu in casa sólu cal'à presu lu virus.

Cal'à àtu, invècci, un cuntattu strintu cu' un pusitivu, arà di trattà la mascarina Ffpp2 pa' 10 dì da l'ultimu cuntattu e dopoi fà un tamponi siddhu cumparini li primmi sintumi e siddhu ancóra chena sintumi, dapói di 5 dì da la data di l'ultimu cuntattu.

Illu decretu, si legghji ancóra chi "è fattu ubbrìcu di no muissi da casa pa' li passònì chi àni di stà in sulitài inghittàti pa' pruvvègghju di l'autoritài sanitaria stendi risultati pusitivi a lu Sars-CoV-2, finza a cumpruà di esse sanàti".

La sulitài comprarà candu lu tamponi sarà negativu e dopói d'aé mandatu, ancóra in modu elettroniku, lu risultatu negativu a lu dipaltimentu di prevenzioni di lu tirrittóriu ingarrigatu.

Sempri da la primma dì d'abbrìli venarà mancu lu módu di rasgiunà a culóri pa' li regioni ma sigarà l'avvilguamentu.

Pa' la Ciltifficazioni 'èldi, comprarà l'ubbrìcu di chissu rinfulzàtu pa' li chi àni più di 50 anni chi àndani a trabaddhu.

No selvarà più nemmancu pa' alzà innantu a li mezi pùbbrichi ome pustàli, tram e metro.

No sarà più nizissariu mancu ill'uffici pùbbrichi, pa' intrà illi bruttéi, illa banca, illa posta e illu stangu.

Compri l'ubbrìcu di la Ciltifficazioni 'èldi ancóra illi ciddhéri e ristoranti a l'abbaltu. Compri ancóra la carantèna pa' cuntattu cu' un casu pusitivu a lu Covid.

**Da la primma dì di magghju, invecci, comprarà l'ubbrìcu di la Ciltifficazioni 'èldi guasi in dugna lócu. Finza a chissa data selvarà ancóra pa' Sali di baddhu, cungressi e eventi sportivi a lu chjuso, mensi, concursi pùbbrici e andà a agattà la ghjendi illi galéri, appiù di li treni, apparecchi e pustali chi facini ghjètti lónghi.**

Progèttu:

**"ÉU FAÉDDHU GADDHURÉSU"**

Finanziàtu da la Legghji 482 di lu 1999, alticculi 9 e 15 e Legghji Regionali 22 di lu 2018 – annualitài 2021